

Dyula - Səlidasiw Zehova ka Kuma - Soldiers Scriptures

Efəzikaw 6:10-18

- 10 Ayiwa, aw k'aw jija Matigi ka koo la a ka sebagaya dafanin barika la.
- 11 Aw ka Zehova ka kələkəminanw bəə ta waasa aw ka se ka lə ka na ka Sutana ka namaraw kunben.
- 12 Bari an te kələ kə ni adamadenw ye, nga an be kələ kə ni dijəjugu kuntigiw ye, ni sanfə fangatigiw, ni setigi minw be dibi la, ani nijugu minw be sankolo la.
- 13 O la, aw ka Zehova ka kələkəminanw bəə ta waasa ni lonjugu sera, aw ka se ka lə kelen kan fəə ka se a laban ma.
- 14 Aw ye jija ka tijə kə aw ka cəsirilan ye, ani tilenninya ka kə aw ka nigəkunbənnan ye.
- 15 Aw ye jija ka kibaru diman fə, min ye hərəkuma ye, o ka ke i n'a fə aw ka sennasanbara.
- 16 Lanaya min b'aw la, aw k'o ke i n'a fə kələden ka nigəkunbənnan, ka se ka Sutana ka bijə tasumaman bəə faga n'o ye.
- 17 Aw ka kisili nigəfugulan biri, ani ka Nii Senuman ka murujan ta min ye Zehova ka kuma ye.
- 18 Aw ka Zehova daali kosəbə tuma bəə Nii Senuman barika la ni daalili sifa bəə ye. Aw ye jija o la kosəbə ka daalili kə Zehova ka məgəw bəə ye.

Dənkiliw 91:1-16

- 1 Məgə min be taga to Fəən bəə kuntigi fə k'a yərə dogo yen, o tigi be lafiyə Setigi ka suma kərə.
- 2 Ne kəni be Masaba koo fə ko: «N dogoyərə, n dogoyərə barikaman lo. Ne ka Zehova lo, ne jigi be min kan.»
- 3 Ale lo b'i bəsi ka bə jaan kənə, k'i kisi banajugu ka halakili ma.
- 4 A ben'a gaman biri i kan, i bena i yərə dogo yen i ko sisə n'a deenw. A ka tilenninya le ye a ka nigəkunbənnan n'a ka nigədeleke ye.
- 5 E tena siran foyi ja, hali sufə siranyako, walima bijə minw be təməna tilegwan fə.
- 6 Banajugu min be na dibi kənə, walima fəjəbana min be yələmayəlema tilefə, e tena siran o si ja.
- 7 Hali ni məgə waa kelen sara i gərəfə, məgə waa tan ka sa i kinibolo la, foyi tena e sərə.
- 8 E kəni ka fileli kə dərən, e ben'a ye məgəjugu ka sara bena kə min ye.
- 9 Tijə na, Masaba ye i ka dogoyərə ye. I ye Fəən bəə kuntigi kə i sigiyərə ye.
- 10 Səgen si tena i sərə, balawu si tena se i ka sigiyərə ma.
- 11 Bari a bena ci di a ka meləkəw ma i kosən ko u k'u janto i la i ka siraw bəə kan.
- 12 U bena i ta u bolo la, janko i seen kana gosi kabakuru la.

- 13 I bena taama jaraw ni saaw, ani sogojuguw cema, u tena foyi ke i la.
 14 A nɔrɔla ne Masaba la, o la, ne ben'a bɔsi. N ben'a tanga bari a be ne lɔn.
 15 A bena ne daali, ne ben'a jaabi. Ne bena to n'a ye dusukasi tuma na, ne ben'a bɔsi ka boja la a kan.
 16 Ne bena sijan d'a ma, ne ben'a kisi.

Dɔnkiliw 18:1-51

- 1 Dɔnkililabagaw kuntigi ka dɔnkili. Masaba ka baarakela Dawuda ka dɔnkili.
 Masaba y'a bɔsi Sayuli n'a jugu tɔw bɛe bolo tuma min na, a tun ye dɔnkili nin le la a ye.
 2 A tun ko: «E koo ka di ne ye Masaba, ele be fanga di ne ma.»
 3 Masaba le ye ne tangakabakuru, ni ne dogoyerɔ, ani ne kunmabɔbaga ye. Ne ka Zehova le ye ne tangakabakuru ye, ne be dogo a kɔrɔ. Ne tangabaga lo, Setigi min be ne kisi. Ne ka dogoyerɔ barikaman lo.
 4 Masaba ka tanu! Ne y'a ka dɛmɛ jini dɔrɔn, ne bɔsira n juguw bolo.
 5 Saya tun ye ne dɛrɛ ka ban. Halakili siranya tun ye ne minɛ.
 6 Kaburu dibi tun ye ne lamini ka ban. Ne tun donna saya ka jɔɔ kɔnɔ ka ban.
 7 Ka ne to n ka dusukasi la, ne ye Masaba n ka Zehova daali, ne kasir'a kɔ. K'a to a ka soo kɔnɔ, a ye ne kaan mɛn, ne kulekan donn'a tulo la.
 8 Dugukolo yuguyugura ka yɛrɛyɛrɛ, kuluw juuw yuguyugura ka yɛrɛyɛrɛ Masaba ka dimi kosɔn.
 9 Sisi tun be bɔr'a nuun na, tasuma fariman ni takami tun be bɔr'a daa la.
 10 A ye sankolo dayɛlɛ ka jigi, sankababa tun b'a seen kɔrɔ.
 11 A tun siginin be *serubɛn kan n'a be panna. A tun be lerula fɔjɔ kɔnɔ.
 12 A tun y'a yɛrɛ dogo sankaba suma kɔrɔ, o tun kera sankababa ye k'a datugu.
 13 Yeelen do tun b'a ka sankaba fana tɛmɛna, sanberɛ ni takami tun be bɔra.
 14 Masaba y'a ke saan pɛrɛnna, Fɛen bɛe kuntigi y'a kaan bɔ, saan manamanana, sanberɛ jigira.
 15 A y'a ka bijew bon ka ne juguw yɛrɛkɛ. A y'a ke saan manamanana kosɔbɛ k'u jɛnsɛn.
 16 Masaba ka bagabagali n'a ka dimi kosɔn, kɔgɔji jara fɔɔ a dingɛ daan bɛe yera.
 Dijɛ juu sigiyɔrɔ bilara kɛnɛ kan.
 17 Ka Masaba to sankolo la, a ye ne minɛ. A ye ne sama ka n bɔ jiba kɔnɔ.
 18 A ye ne bɔsi n jugu barikamanw bolo, ne kɛlebagaw, minw barika tun ka bon ni ne ta ye.
 19 U tun ye ne kɛlɛ ne dusukasilon na, nga Masaba ye ne dɛmɛ.
 20 A ye ne bɔsi ka lafiya di ne ma. A ye ne bɔsi bari ne koo ka d'a ye.
 21 Masaba ye ne sara ka kɛnɛ ni n ka tilenninya ye. A ye ne minɛ ka kɛnɛ ni n ka jalakibaliya ye.
 22 Ne ye n ka Masaba ka fɔta bato, ne ma kojugu ke n ka Zehova jakɔrɔ.
 23 A ye min bɛe fɔ, ne y'o bato. Ne te ban a ka sariya ma.
 24 Jalakiyɔrɔ si ma sɔrɔ ne la a jakɔrɔ. Ne ye n yɛrɛ kɔlɔsi kojugu la.
 25 Masaba ye ne sara ka kɛnɛ ni n ka tilenninya ye. A y'o ke ka kɛnɛ ni n ka

jalakibaliya ye a ḥakōrō.

26 Masaba i be kojuman ke mögönuman ye. E tilennin lo mögötillennin faan fε.

27 Masaba, mögo min kōnō gwera, e be gwε o tigi ye. E fana be mögöjugu minēcogo lōn.

28 Ele lo be sigenbagato kisi, ele lo be yerebonala majigi.

29 Masaba, ele lo be yeelen bō ne ye. Ne ka Zehova, ele lo be yeelen bō ne ye dibi la.

30 Ne be girin kélébolo kan ele Zehova lo sababu la. Ne be se ka dugu laminikogo sago ele lo barika la.

31 Fijε te Zehova ka siraw la, Masaba ka fōtaw ye tijε ye. Mögo minw b'u yere dogo a fε, a be olu tanga i ko nigekunbennan.

32 Bari Zehova ye jōn ye ni Masaba tε? Jōn le ye tangakabakuru ye ni an ka Zehova tε?

33 Ale lo be barika don ne la, ka ne bila sirapuman kan.

34 A ye ne seen ke i ko minan ta. O la, ne be se ka lō tintinyōrō la.

35 Ale lo be ne dege ni kélékēcogo ye, ani ka kala ziralaman laben.

36 Ele Zehova le b'i ka sesorōli nigekunbennan di ne ma. I ka sebagaya be ne dēmε. Ne kera mögobaba ye i ka dēmε koson.

37 Ele le be ne ka temeyōrō laben, o la, ne te talon.

38 N be n juguw kōgwēn k'u sōrō. N b'u halaki pewu ka sōrō ka kōsegi.

39 N b'u halaki, u te se ka wili tugu, u be ben ne seen kōrō.

40 I be barika don ne la kélé kama. I be ne kélébagaw majigi ne kōrō.

41 I b'a ke ne juguw b'u kō di ka boli ne ja, ne be n kōniyabagaw halaki.

42 U be kasi ka bōsibaga jini, u t'a sōrō. U be Masaba daali, ale t'u jaabi.

43 Ne b'u ke i ko buguri, fōjō be taga ni min ye. Ne b'u cε ka bō yen i ko pōtōpōtō, bōlōn kōnō.

44 I be ne tanga jama ka muruti ma. I ye ne ke siyaw kuntigi ye. Ne te siya minw lōn, olu be kolo ne ye.

45 U be ne ka fōtaw bato u fōtō yere. Lonanw yereyeretō be na ne ḥakōrō,

46 u jigi tigera, u yereyeretō be bōra u ka dogoyōrō barikamanw na.

47 Masaba, e tōgō ka tanu! Boja ka la ne tangakabakuru kan! Ne kisibaga Zehova ka tanu!

48 Zehova le be ne mōnε bō, Zehova le be siyaw kolo ne ye.

49 Ale lo be ne bōsi ne juguw bolo. Zehova, e b'a ke n be se n juguw kōrō. E be n kisi mögo farimanw ma.

50 Masaba, o le y'a to ne bena i tanu siya wεrew cema. Ne bena dōnkili la k'i tōgō boja.

51 Masaba le be see d'a ka masace ma kosōbe. A be kojuman ke a ka mögōwolomanin Dawuda n'a kōmögōw ye tuma bεε.